

Guaraní - Espíritu Santo Ñandejára Ñe'ẽ - Holy Spirit Scriptures

Éxodo 35:31 ha omyenyhẽ chupe ipu'akágui ome'ẽvo chupe katupyry ha mba'e kuaa opa mba'e apópe,

Números 11:25 Upérõ Ñandejára oguejy pe arai ári ha oñe'ẽ chupe. Oipyhy michími pe espíritugui ome'ẽ vaekue Moiséspe ha ome'ẽ chupe kuéra. Pe espíritu oúvo hi'ári kuéra, oñepyrū hikuái osapukái umi maranduháraicha. Upe rire ndojehuvéi chupe kuéra upéicha.

1 Samuel 10:6 Upérõ Ñandejára espíritu oñemomba'éta nde rehe, ha nde avei rejeroky tarováta ha'e kuéraicha ha oikóta nde hegui ambue kuimba'e.

2 Samuel 23:2 Ñandejára Espíritu oñe'ẽ che rupi; iñe'ẽ oĩ che jurúpe.

Job 33:4 Tupã, ipu'akapáva, che apo ha oipeju che pype ijespíritu.

Isaías 11:2 Ñandejára espíritu hi'ári optytáta, arandu ha akã porã espíritu, ñemoñe'ẽ kuaa ha mbarete espíritu, mba'e kuaa ha Ñandejára mbyaje espíritu.

Miqueas 3:8 Chéve katu Tupã pu'aka che myenyhëta mbaretégui, teko joja ha py'a guasúgui, amombe'u haguã Israel guápe, iñe'ẽ renduse'ỹ ha iñangaipa.

Zacarías 4:6 Ha'e he'i chéve: "Kóva hína pe Tupã he'ikáva Zorobabélpe: Nořri hína ñorãirõhára térra mbaretére, che Espíritu rehénte, he'i opa mba'e Jára ipu'akapáva.

Mateo 12:28 Che amosẽ ramo mba'epochy Tupã Espíritu rupi, upéva he'ise Tupã sãmbyhy oguahëmaha peëme.

Mateo 28:19 Tapeho aipo ramo opa tetã rupi ha pe porombo'e ha pejapo chupe kuéra che remimbo'e ramo. Pemongarai chupe kuéra Túva, Ta'yra ha Espíritu Santo rérape,

Marcos 1:10 Osëvo pe ýgui, Jesús ohecha yvága ojepe'a ha Espíritu Santo oguejýva hi'ári pykasúicha.

Marcos 13:11 Ha ani pejepy'apy mba'épa térra mba'éichapa peñe'ëta pene moïvo hikuái mburuvicha kuéra pópe. Ijávo peëme peñe'ẽ haguã, Tupã ome'ëta peëme mba'épa pejéta. Ha ndaha'e mo'äi peë, peñe'ëtava. Pende Ru Espíritu oñe'ëta pende juru rupi.

Lucas 2:26 Espíritu Santo oĩ Simeón ndive, ha oikuaauka ra'e chupe nomano mo'äiha ohecha mboyve pe Mesíaspe, Ñandejára omboútava.

Lucas 4:1 Jesús henyhëte Espíritu Sántogui, ou jey ysyry Jordángui, ha Espíritu Santo ogueraha chupe yvy ojeiko'ÿháme.

Lucas 4:18-21 Ñandejára Espíritu oĩ che ári, chéve niko che poravo araha haguã marandu porã opa imboriahívape, che mbou aipe'ávo jejopýgui umi ijyvyrakuávape ha ame'ẽvo techá ohecha'ÿvape; apoívo opa ojejopývagui, 19 Amyerakuávo áño Ñandejára hetã guápe oipysyrõta. 20 Upéi, Jesús omboty pe kuatia, ome'ẽ pe oñeñembyatyha pytyvõháme ha oguapy. Opavave oïva upépe ojesa reko hese. 21 Ha'e oñepyrū oñe'ẽ ha he'i: Ko árape voi oiko pe Ñandejára Ñe'ẽ pehendúva ko'ágã.

Lucas 12:11,12 Pejererahávo umi judío tupáope, téřā mbojovakehára ha mburuvicha kuéra renondépe, ani pejepy'apy mba'éichapa peñemo'ătare téřā mba'épa pejétare. 12 Oguahěvo peẽme peñe'ě haguã, Espíritu Santo pene mbo'éta opa peje vaeräre.

Juan 7:38,39 Ha Ñandejára Ņe'ě he'iháicha Umi che rehe ojeroviáva py'águi osyrýta y oporomoingovéva. 39 Kóicha oñe'ěvo niko Jesús he'ise opa umi hese ojeroviávape oñeme'ëtaha Espíritu Santo. Upérõ, Espíritu Santo noñeme'ëi gueteri, Jesús noñemopu'äi haguére gueteri heko mimbipápe.

Juan 14:16,17 Ha che ajeruréta che Rúpe ombou haguã peẽme peteř pene pytyvõ vaerã, oĩ haguã pene ndive opa árape. 17 Upéva Espíritu Santo hína, añetehápe oikuaaukáva mba'eichaguápa Tupã. Tupãre ojerovia'ÿva py'apýpe ndaikatúi ha'e oike, ha'e kuéra ndohechái ha ndoikuaái chupe. Peě katu peikuaa chupe, ha'e oïgui pene ndive ha oikótgui pende pype.

Juan 14:26 Espíritu Santo katu, che Ruomboútava che rérape pene pytyvõ haguã, ha'e pene mbo'éta opa mba'e ha pene momandu'áta opa mba'e ha'e vaekue peẽme.

Juan 16:7,8 Añetéko ha'e peẽme: Iporáveta niko peẽme che aha ramo. Ndahái ramo, pene Pytyvöhára ndou mo'äi oĩ haguã pene ndive. Che aha ramo katu, che amboúta chupe peẽme. 8 Ágã ha'e ou vove, ohechauka poräta opavavépe mávapa umi iñangaipáva, máva áripa ndo'ái mba'eve ivaíva, ha mávapepa Tupã ohundítá.

Juan 16:13-15 Ágã Espíritu ou vove oikuaaukáva mba'eichaguápa Tupã, ha'e ohechaukáta peẽme mba'épa upe añetegua. Ha'e noñe'ě mo'ä ijehegui reínte, amombe'úta peẽme umi mba'e ha'e ohendu vaekue, ha oikuaaukáta avei peẽme umi mba'e ojehútava. 14 Ha'e ohechaukáta peẽme mba'eichaitépa che tuicha. Ojapyhýta upe che ame'ëvagui chupe oikuaauka haguã peẽme. 15 Opa mba'e che Ru oguerekóva, che mba'e avei. Upévare ha'e pe Espíritu ojapyhytaha che ame'ëvagui chupe oikuaa haguã peẽme.

Juan 20:21,22 Upéva he'ipávo, ohechauka chupe kuéra umi ipo ha pe ijyképe ojekutu hague. Tuicha ov'y'a hikuái ohechávo Ñandejára Jesucristope. 21 Upéi Jesús he'i jey chupe kuéra: Ta pende py'a guapy joaitéke. Che Ru che mbou haguéicha chéve, péicha che pomondo peẽme.

Hechos 1:2 yvágape ojehupi hague ára peve. Oho mboyve, Espíritu Santo rupi, oheko mbo'e vaekue hembiaporäme umi apóstol ha'e oiporavo vaekuépe.

Hechos 1:5 Añete, Juan oporomongarai vaekue ýpe, mboy ára riremínte katu peẽ peñemongaraíta Espíritu Sántope.

Hechos 1:8 Espíritu Santo oúvo pende ári katu perekóta pokatu ha pesëta pe che myerakuávo Jerusalénpe ha opa Judea ha Samaría pýre ha opa ko yvy jerekuévo.

Hechos 2:1-4 Oguahěvo Pentekostés, opa ogueroviáva ijaty peteř hendápente. 2 Upeichaháguinte oñehendu peteř tyapu guasu yvágagui oúva, yvytu hatã oipejúrõ guáicha. Ha omyenyhëmba pe óga oihámé hikuái. 3 Ha ohecha hikuái

ku tata rendýicha oguejýva peteñ-teñ hi'ári kuéra. 4 Ha opavave henyhë Espíritu Sántogui, ha oñepyrü oñe'ë ñe'ë ambuépe, Espíritu Santo omoñe'ëháicha chupe kuéra.

Hechos 2:17-19 Oikóta umi ára pahávo, he'i Tupä, ahekuavóta che Espíritu opa yvypóra ári. Pene ñemoñare kuimba'éva ha kuñáva ohendukáta imarandu, mitä rusu kuéra omba'e recháta ha itujáva oguerekóta ikepegua. 18 Che rembiuguái kuéra kuimba'e ha kuñáva ári ave ahekuavóta che Espíritu umíva umi árape, ha ohendukáta hikuái momarandu. 19 Yvágare ahechaukáta heta hechapyráva, tuguy, tata rendy ha yvy ári tatañna. (Joel 2:28,29)

Hechos 2:33 Tupä omopu'ã rire chupe ha omoñ ijakatúape, ha ohupyty rire Tupägui Espíritu Santo, ha'e he'i vaekue ome'ëtaha oréve, ohekuavo pe Espíritu ore ári. Upéva hína upe peñ pehecha ha pehendu vaekue.

Hechos 2:38 Pedro he'i chupe kuéra: Pejevy Tupä gotyo ha peñemongaraika peteñ-teñ Jesucristo rérape, Tupä oheja rei haguä peñeme pene angaipa, ha péicha ome'ëta peñeme Espíritu Santo.

Hechos 4:31 Ha'e kuéra oñembo'epávo, upe oñembyatyhápe hikuái oryrí, ha opavave henyhë Espíritu Sántogui, ha omyerakuä kyhyje'ëre Ñandejára Ñe'ë.

Hechos 8:15-17 Oguahëvo, oñembo'e hikuái umi Samariagua ogueroviávare, oñeme'ë haguä chupe kuéra Espíritu Santo, 16 Ne'ëra gueteri niko ou ra'e mavave ári Espíritu Santo, oñemongaraínte ra'e Ñandejára Jesús rérape. 17 Upérö Pedro ha Juan omoñ ipo hese kuéra ha oñeme'ë chupe kuéra Espíritu Santo.

Hechos 8:39 Osëvo hikuái ýgui, Ñandejára Espíritu ogueraha Felípepe, ha pe mburuvicha ndohechavéi chupe. Opáichavo oho hapére, ipy'a renyhë vy'águi. (1 Reyes 18:12)

Hechos 9:31 Upérö Jesucristo reroviaha opa Judea, Galiléa ha Samaría rupi, oiko py'a guapýpe ha okakuaa ijespíritupe. Ombyaje Ñandejárape ha Espíritu Santo oipytyvö rupi, oñembohetave ohóvo.

Hechos 10:44,45 Oñe'ë gueteri hína Pedro ha Espíritu Santo ou opa iñe'ë ohendúva ári, 45 Ha umi Jesús reroviaha Israelgua ou vaekue Pedro ndive, ijurujái optyávo Espíritu Santo oñeme'ëgui avei Israelgua'ëvape,

Hechos 11:15 Añepyrüvo aña'ë chupe kuéra, Espíritu Santo ou hi'ári kuéra ou haguéicha ñande ári iñepyrüháme.

Hechos 13:52 Umi oguerovia vaekue katu henyhëmba vy'águi ha Espíritu Sántogui.

Hechos 19:6 ha Pablo omoñivo ipo hese kuéra, ou avei hi'ári kuéra Espíritu Santo, ha oñe'ë ñe'ë ojekuaa'ëvape ha ohenduka pe Ñandejára he'iva ha'e kuéra rupi.

Hechos 20:23 Peteñ mba'ënte aikuaa, opa táva ahaha rupi, Espíritu Santo he'i chéve che ra'arõha koty yptytú ha heta jehasa asy.

Romanos 5:5 Ha pe ñeha'arõ kuaa na ñane mbopy'a kangýi, Tupä ñane myenyhëgui imborayhúpe, pe Espíritu Santo ome'ë vaekue ñandéve rupi.

Romanos 8:9 Peñ katu ndapeiko véima upe yvypóra rekópe, Espíritu rehéma,

Tupā Espíritu oiko rupi pende pype. Oguereko'ŷva Jesucristo Espíritu ipype, ndaha'ei Jesucristo rehegua.

Romanos 8:13-16 Peiko ramo peẽ yvypóra reko kangýpe, pemanóta. Ha Espíritu rupi pejuka ramo upe yvypóra reko kangy, peikovéta. 14 Opa oñesãmbyhykáva Tupā Espíriture, umíva Tupā ra'y. 15 Peẽme niko noñeme'ei peteĩ Espíritu peiko haguã tembiguái ramo, pe'a jey haguã kyhyépe. Upéva rangue katu pe Espíritu ojapo pende hegui Tupā ra'y. Kóva ko Espíritu rehe ja'e Tupāme: Há che Ru! 16 Ha upe Espíritu upéva voi ojoaju ñande espíriture ohechauka haguã, Tupā ra'yamaha ñande.

Romanos 8:26 Upéicha avei, pe Espíritu ñane pytyvõ ñane kangy ramo.

Nañañembo'e kuaái niko ñañembo'e haguãicha, ha Espíritu voi oñembo'e ñande rehe Tupāme, py'ambu ikatu'ŷva ja'épe.

Romanos 15:13 Tupā, ome'ëva ñandéve ñeha'arõ kuaa, ta pene myenyhë peẽme pejeroviáva hesépe, vy'a ha py'a guapýgui. Ha tombotuicha tuichave pene ra'arõ kuaa, Espíritu Santo pokatu rupi.

Romanos 15:19 mba'e techaukarã ha mba'e hechapyrãva pu'aka, ha Tupā Espíritu pokatu rupi. Upéicha rupi amohu'ã porã vaekue Cristo marandu porã ñemosarambi, Jerusalén guive, ha opa rupi, Iliria yvy peve.

1 Corintios 2:10-13 Ko'äva hína umi mba'e Tupā oikuaaukáva ñandéve Espíritu Santo rupi. Espíritu niko oipyguara opa mba'e, umi mba'e pupukuvéva Tupā rehegua jepe. 11 Máva yvypóra piko oiméta oikuaáva mba'ëpa oĩ yvypóra py'apýpe, ndaha'ei ramo pe yvypóra espíritu oïva yvypóra rekóvépe? Upéicha avei, Tupā Espíritu mante ikatu oikuaa mba'ëpa oĩ Tupā rekóvépe. 12 Ha ñandéve niko oñeme'ë vaekue Espíritu oúva Tupägui, ndaha'ei ko yvýgui, jaikuua porã haguã umi mba'e Tupā ome'ë vaekue ñandéve ipy'a porã rupi. 13 Ñañe'ë ko'ä mba'ëre, ñe'ë ñane mbo'e vaekue reheve Tupā Espíritu, ha ndaha'ei ñe'ë jaikuua vaekue ñane arandu rupínte. Péicha ñamyesakä umi mba'e espíritu reheguáva, ñe'ë espíritu reheguáva reheve.

1 Corintios 3:16 Ndapeikuaái nga'u piko peẽ Tupā rogaha, ha Tupā Espíritu oikoha pende pype?

1 Corintios 6:11 Ha oime vaekue pene pa'üme péichava. Ha ko'ágä pehupytyma ñemopotí, pene marangatúma ha pende reko jojáma, Ñandejára Jesucristo réape ha Tupā Ñandejára Espíritu rupi.

1 Corintios 12:3 Upévare aipota peikuaa, avave ndaikatuiha he'ivo oñe'ë ramo hína Tupā Espíritu rupi Añáme toho Jesús!. Ha avave avei ndaikatúi he'ivo: Jesús niko Ñandejára, noñe'ëi ramo hína Espíritu santo rupi.

2 Corintios 3:17 Ñandejára niko upe Espíritu, ha oiháme Ñandejára Espíritu, upépe oĩ sásõ.

2 Corintios 13:14 Pytyvõ ome'ëva Ñandejára Jesucristo, mborayhu oúva Tupägui, ha jekupyty jahupytyva Espíritu Sántogui, toĩ pene ndive.

Gálatas 4:6 Ha ta'yrama haguére, Tupā ombou Ta'yra Espíritu ñande py'ápe. Ha upe Espíritu osapukái: Abba, he'iséva Che Ru.

Efesios 1:13,14 Peē avei pehendu umi ñe'ẽ añetéva, marandu porã pene pysyrõva. Pejerovia Cristo rehe ha Tupã omoĩ pende rehe imba'eha, ome'ẽvo peẽme Espíritu Santo he'i haguéicha ome'ẽtaha. 14 Jarekógui Tupã Espíritu, jaikuaa porã jahupytytaha umi mba'e Tupã ome'ẽtava umi imba'e teévape. Ha ñande jorapaitévo ha ojapóvo ñande hegui hetã imba'e teerã, opavave ñamomba'e guasúta ipokatu tuichaite.

Efesios 2:18 Cristo rupi niko opavave ikatu ñaguahẽ ñande Túva yvagapegua rendápe peteĩ Espíritu Santo rupi.

Efesios 4:30 Ani pemoñembyasy Tupã Espíritu Sántope. Heseve niko Tupã omoĩ vaekue pende rehe imba'eha upe ñepysyrõ árape guarã.

1 Tesalonicenses 4:8 Upe, oro'yrõva ko'ã mba'e, ndoro'yrõi yvypórape, oroyrõ uvei Tupãme, ome'ẽ vaekue peẽme Espíritu Santo.

1 Tesalonicenses 5:19 Ani pembogue Espíritu rata.

2 Tesalonicenses 2:13 Ore katu rome'ẽ tapia ore aguije Tupãme pende rehe, che pehëngue kuéra Ñandejára ohayhu etéva. Tupã niko pende poravo peẽme raëvete pene pysyrõ haguã Espíritu Santo pene momarangatúva rupi, ha pe añetegua peroviáva rupi. (1 Pedro 1:2)

Tito 3:5,6 Ñande poriahurerekóquinte ha ndaha'ei ñane rembiapo porägui, ñane pysyrõva, ñane mopotïvo ýpe ha ombopyahúvo ñande rekove Espíritu Santo rupi. 6 Jesucristo ñande pysyröhára rupi niko, Tupã ñane myenyhẽ Espíritu Sántogui,

Hebreos 2:4 Upéi avei, Tupã omoañeteve vaekue mba'e rechauka ha mba'e hechapyrãva reheve, ha Espíritu Santo ome'ẽ vaekue ñandéve heta hendáicha, ha ha'e oipotaháicha.

Hebreos 10:15 Ha Espíritu Santo omoañete ñandéve upéva he'ivo:

1 Pedro 1:2 Peē niko hína Tupã, ñande Ru voi oiporavo vaekue ko'ágã mboyve. Espíritu Santo rupi peñemboyke vaekue Tupãme guarã, pene ñe'ẽ rendu ha peñemopotï haguã Jesucristo ruguy rehe ae. Toguahẽ peẽme heta vy'a ha py'a guapy.

2 Pedro 1:21 Maranduhára kuéra niko noñe'ei vaekue ijehegui reínte. Nahániri. Tupã rérape uvei oñe'ẽ, Espíritu Santo ohechaukaháicha chupe kuéra.

1 Juan 4:2 Péicha peē ikatu peikuaa mávapa oguereko Tupã Espíritu: Opa he'íva Jesucristo ou hague yvypóra teérõ, oguereko Tupã Espíritu.

1 Juan 5:7,8 Oĩ mbohapy oikuaaukáva ko mba'e: 8 Espíritu, y ha tuguy ha mbohapyve oĩ oñoñe'ẽme.

Judas 1:20 Peē katu, che pehëngue kuéra pohayhúva, peñemohatãke pende jerovia imarangatu etévape. Peñembo'e ha Espíritu Santo ta pene sãmbyhy.